

GEFF III REPower - NLB Banka Sarajevo

Zemlja:	BOSNA I HERCEGOVINA
Broj projekta:	55953
Poslovni sektor:	Depozitni kredit (banke)
Vrsta:	PRIVATNA
Kategorija zaštite okoliša:	FI
Datum odobrenja:	21. oktobra 2025.
Status:	Odobren
Datum objave na engleskom jeziku:	23. oktobra 2025. Prema članu 1.4.2 (iii) Direktive o pristupu informacijama: "Za projekte koje je odobrila uprava Banke, a za koje je Upravni odbor delegirao ovlaštenje za odobrenje, PSD se objavljuje na početku relevantnog perioda obavještanja o nepostojanju prigovora zemlji članici Banke u skladu sa članom 13 (iii) Sporazuma o osnivanju EBRD-a."."

Opis projekta

Obezbjedenje prioritnog neobezbijedenog kredita do 2 miliona eura NLBSA-i za dalje kreditiranje stambenog sektora u Bosni i Hercegovini („BIH“). Kredit je predviđen u okviru Programa finansiranja zelene ekonomije Zapadnog Balkana III - REpower („WB GEFF III“). Ovo će omogućiti banci da promoviše investicije u zelenu ekonomiju u zemlji.

Ciljevi projekta

Sredstva kredita će se koristiti za finansiranje NLBSA-e za rodno osjetljivo kreditiranje podobnih podzajmoprimaca u stambenom sektoru za investicije koje podržavaju tranziciju zelene ekonomije ("GET") - podobne stambene obnovljive izvore energije i energetski efikasne tehnologije.

Uticaj tranzicije

ETI score: 70

Projekat će doprinijeti ukupnim ciljevima Okvira i podržati **kvalitet Zelene TI sa 100%** korištenja prihoda namijenjenih aktivnostima tranzicije Zelene ekonomije.

Informacije o klijentu

NLB BANKA DD

NLB Banka d.d. Sarajevo ("NLBSA") je univerzalna komercijalna banka koja posluje u Federaciji BiH i Distriktu Brčko putem svoje mreže od 34 poslovne jedinice. Banka je na osmom mjestu po ukupnoj aktivni (4,6% tržišnog udjela), kreditnom portfoliju (4,9% tržišnog udjela) i depozitima (4,7% tržišnog udjela) na kraju 2024. godine.

Sažetak finansiranja EBRD-a

EUR 2,000,000.00

Ukupni troškovi projekta

EUR 2,000,000.00

Dodatnost

Dodatnost se postiže kombinovanjem potrebnog srednjoročnog finansiranja sa tehničkom pomoći, ciljanim investicionim podsticajima i dijalogom o politikama u paket koji promoviše investicije u zelenu stambenu ekonomiju u Bosni i Hercegovini.

Sažetak o okolišu i društvu

Kategorija FI (ESP 2024). NLBSA je novi klijent EBRD-a. Međutim, matična kompanija banke, NLB Grupa, dobila je finansiranje od EBRD-a. Podobni podprojekti će podržavati tehnologije vezane za energetska efikasnost i obnovljive izvore energije. Očekuje se da će podprojekti nositi nizak ekološki i društveni (E&S) rizik. Glavni E&S rizici odnose se na sposobnost klijenta da implementira svoj Sistem upravljanja okolišem i društvenim pitanjima ("ESMS"), potencijalne uticaje koji proizlaze iz finansiranih podzajmova i povezane rizike u lancu snabdijevanja, te pitanja rada i zdravlja i sigurnosti na radu. E&S dubinska analiza je provedena pregledom klijentovog popunjenog E&S upitnika, javno dostupnih informacija i prateće dokumentacije. NLBSA ima ESMS, koji se smatra srazmjernim profilu rizika podobnih podprojekata, s ograničenjem maksimalne veličine podzajma i podrškom GEFF konsultanta koja pruža dodatno ublažavanje rizika.

Utvrđeno je da je projekat usklađen s Pariškim sporazumom na osnovu primjene EBRD-ovog pristupa usklađivanja s Pariškim sporazumom za indirektno finansirane investicije. Utvrđivanje usklađenosti zasniva se na primjeni stuba 1 (obaveza druge strane prema Pariškom sporazumu) i

stuba 2 (filter podtransakcija). 100% finansiranja EBRD-a klasifikovano je kao zeleno finansiranje, jer podržava aktivnosti za postizanje ciljeva ublažavanja klimatskih promjena.

Tehnička saradnja i finansiranje grantova

Projekat će biti podržan sveobuhvatnim paketom tehničke pomoći za NLBSA i podzajmoprimce kako bi se olakšala priprema projekta i uspješna implementacija programa WB GEFF III. Izvor za tehničku pomoć finansiraju Fond za saradnju Japana i EBRD-a i EU putem Investicionog okvira za Zapadni Balkan ("WBIF") kroz Evropski zajednički fond za Zapadni Balkan ("EWBJF"). Izvor za finansiranje koje nije tehnička pomoć obezbjeđuje EU putem WBIF-a i EWBJF-a.

Kontakt informacije kompanije

Alisa Buzimkic Becic

Alisa.BuzimkicBecic@nlb.ba

+387 35 259 464

<http://www.nlb.ba>

NLB Banka d.d. Sarajevo Kosevo 3 71000 Sarajevo, BiH

PSD Posljednje ažuriranje

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljnjeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja

bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom](#) i socijalnom politikom ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.